

摛藻堂四庫全書薈要

集部

欽定四庫全書
欽定四庫全書
欽定全唐詩卷五百五十五

集部

御定全唐詩卷五百五十

趙嘏

歲暮江軒寄盧端公

積水生高浪長風自北時萬艘俱擁棹上客獨吟詩路
以重湖阻心將小謝期渚雲愁正斷江雁重驚悲笑憶
遊星子歌尋罷貴池夢乘孤島在醉醒百憂隨戍迥煙
生晚江寒鳥過遲問山樵者對經雨釣船移敢歎今留

滯猶勝曩襄別離醉從陶令得善必丈人知道塞才何取
恩深劍不疑此身同岸柳只待變寒枝

秋日吳中觀貢藕

野艇幾西東清冷映碧空褰衣來水上捧玉出泥中葉
亂田田綠蓮餘片片紅激波纔入選就日已生風御潔
玲瓏膳人懷拔擢功梯山謾多品不與世流同

華清宮和杜舍人

一作
祜詩
張

五十年天子離宮仰峻一作舊粉牆登封時正泰御宇日何

初一作長上位先名實中興事憲章起舉戎輕甲胄餘

地復取一作河湟道帝玄元祖儒封孔子王因緣百司署

聚會一人湯渭水波搖綠秦郊一作草半黃馬馴金勒

細鷹健玉鈴鏘

一作馬頭開夜照鷹眼利星芒

下箭朱弓滿鳴鞭皓腕

攘畋思獲呂望諫祗避周昌兔跡貧前逐梟心不早防

幾添鸚鵡勸先

一作賜荔枝嘗月鎖千門靜天吹高頻

一笛涼細音搖羽翠

一作珮輕步宛霓裳禍亂基振一作潛

結升平意遽忘衣冠逃犬虜鼙鼓動漁陽外戚心殊迫

中途事可量
血雪一作埋
妃子豔貌一作刃
斷祿兒腸近侍
煙塵隔前蹤
輦路荒益知迷寵
安遺一作恨喪賢
忠一作良北闕尊明主
南宮遜上皇禁清餘
鳳吹池冷睡映一作

龍光祝壽山猶在
流年水共傷杜鵑魂
厭蜀蝴蝶夢悲

莊雀卵遺雕拱蟲絲
胥盡梁紫苔侵壁潤
紅樹閉門芳

守吏齊駕瓦耕民得
翠璫登年齊酺樂一作昔時
飲康樂講武

舊兵場暮草深巖翠
一作幽花墜徑香不堪垂白叟行

折御溝楊

下第

南溪抱瓮客失意自懷羞晚路誰攜手殘春自白頭

到家

一作杜牧詩題作歸家

童稚苦相子一作牽衣問歸來何太遲共誰爭歲月贏得鬢

邊絲

春釀

春釀正風流梨花莫問愁馬卿思一醉不惜鷓鴣裘

寒塘

曉髮梳臨水寒塘坐見秋鄉心正無限一雁度南樓

寄前黃州竇使君

池上笙歌寂不聞樓中愁殺碧虛雲玉壺凝盡重重淚
寄與風流舊使君

八月二十九日宿懷

秋天晴日菊還香獨坐書齋思已長無奈風光易流轉
強須傾酒一杯觴

泗上奉送相公

語堪銘座默含春西漢公卿絕比倫今日抱輶留不得

欲揮雙涕學舒人

贈桐鄉丞

舟觸長松岸勢回潺湲一夜繞亭臺若教靖節先生見
不肯更吟歸去來

哭李進士

一作于鄴

牽馬街中哭送君靈車輶雪隔城聞唯有山僧與樵客
共昇孤櫬入幽墳

重陽

節逢重九海門外家在五湖煙水東還向秋山覓詩句

伴僧吟一作對菊花風

重陽日即事

病酒堅辭綺席春菊花空伴水邊身由來舉止非閑雅

不是龍山落帽人

十無詩寄桂府楊中丞

琴酒曾將風月須謝公名跡滿江湖不知貴擁旌旗後

猶暇憐詩愛酒無

東省南宮興不孤幾因詩酒謬招呼一從開署芙蓉幕
曾向風前記得無

遙聞桂水遠城隅城上江山滿畫圖為問些家洲畔月
清秋擬許醉狂無

日暮江邊一小儒空憐未有白鬚鬚馬融已貴諸生老
猶自容窺絳帳無

一種吟詩號孔徒滄江有客獨疎愚初筵盡辟知名士

許到風前月下無

望斷南雲日已晡便應憑夢過重湖不知自古登龍者
曾有因詩泥得無

早游門館一樵夫祇愛吟詩傍藥爐旌旆滿江身不見
思言記得潁川無

孔融襟抱稱名儒愛物憐才與世殊今日賓階忘姓字
當時省記薦雄無

僻愛江山俯坐隅人間不是便為圖尊前為問神仙伴

肯向三清慰薦無

膺門不避額逢珠絕境由來卷軸須早忝阿戎詩友契
趨庭曾薦禰生無

寄山僧

雲裏幽僧不置房
橡花藤葉蓋禪牀
朝來逢著山中伴
聞說新移最上方

喜張漬及第

九轉丹成最上仙
青天暖日踏雲軒
春風賀喜無言語

排比花枝滿杏園

贈張瀆榜頭被駁落

莫向花前泣

一作春
風送

酒杯謫仙依舊

一作真個

是仙才猶堪

與世為祥瑞曾到蓬山頂上來

悼亡二首

一燭從風到奈何二年衾枕逐流波雖知不得公然淚

時泣闌干恨更多

明月蕭蕭海上風君歸泉路我飄蓬門前雖有如花貌

爭奈如花心不同

宮烏栖

宮烏栖處玉樓深
微月生簷夜夜心香輦不回
花自落

一作
發
春來空佩辟寒金

長信宮

一作孟
遲詩

君恩已盡欲何歸
猶有殘香在舞衣
自恨身輕不如燕

春來長遠御簾飛

廣陵城

一作孟
遲詩

紅映高臺綠繞城
城邊春草傍牆生
隋家不向此中盡

汴水應無東去聲

冷日過驪山

一作遲詩孟

冷日微煙渭水愁
翠華宮樹不勝秋
霓裳一曲千門鎖
白盡梨園弟子頭

下第後歸永樂里自題二首

無地無媒只一身
歸來空拂滿牀塵
尊前盡日誰相對
唯有南山似故人

玄髮侵愁忽似翁。暖塵寒袖共東風。公卿門戶不知處。

立馬在一作九衢春影中

出試日獨遊曲江

江莎漸映花邊綠。樓日自開池上春。雙鶴遙空來又去。
不知臨水有愁人。

題曹娥廟

青娥埋沒此江濱。江樹颼颼慘暮雲。文字在碑碑已墮。

波濤幸負色絲文。

題段氏中臺

看山臺下水無塵碧篠前頭曲水春獨對一作坐一尊風雨夜不知家有早朝人

華州座中獻盧給事

送迎皆到三峰下滿面煙霜滿馬塵自是追攀認知已青雲不假送迎人

商山道中

一作度商山
晚靜又作淨

和如春色一作淨如秋五月商山是勝遊當晝火

雲生不得一溪縈分一作作萬重愁

贈歙州妓

灔灔橫波思有餘
庾樓明月墮雲初
揚州寒食春風寺
市一作看遍花枝盡不如

贈王明府

五柳逢秋影漸微
陶潛戀酒不知歸
但存物外醉鄉在
誰向人間問是非

呂校書雨中見訪

竹閣斜溪小檻明惟君來賞見山情馬嘶風雨又歸去

獨聽子規千萬聲

千秋嶺下

知有巖前萬樹桃未逢搖落思空勞年年盛發無人見

三十六溪春水高

歙州道中僕逃

去跳風雨幾奔波曾共辛勤奈若何莫遣窮歸不知處

秋山重疊戍旗多

重陽日寄韋舍人

節過重陽菊委塵江邊病起杖扶身不知此日龍山會
誰是風流落帽人

贈薛勛下第

一擲雖然未得盧驚人不用繞牀呼牢之坐被青雲逼
祇問君能酷似無

宛陵望月寄沈學士

一川如畫敬亭東待詔閒遊處處同天竺山前鏡湖畔

何如今日庾樓中

翡翠巖

芙蓉幕裏千場醉翡翠巖前半日閒惆悵晉朝人不到

謝公拋力上東山

發新安後途中寄盧中丞二首

樓上風流庾使君笙歌曾醉此中聞目前已是陵陽路

回首叢山滿眼雲

晚樹蕭蕭促織愁風簾似水滿牀秋千山不礙笙歌月

誰伴羊公上夜樓

留題興唐寺

滿水樓臺滿寺山
七年今日共躋攀
月高對菊問行客
去折芳枝早晚還

廣陵道

闔雞臺邊花照塵
煬帝陵下水含春
青雲回翅北歸雁
白首哭途何處人

茅山道中

溪煙一作樹重重水亂流馬嘶殘雨晚程秋門前便是仙

山路目送歸一作斷寒雲一作鴻不得遊

江上與兄別

楚國湘江兩渺瀰暖川晴雁背帆飛人間離別盡堪哭
何況不知何日歸

落第

九陌初晴處處春不能回避看花塵由來得喪非吾事
本是釣魚船上人

宛陵館冬青樹一作漠
陰亭樹

碧樹如煙覆晚波清秋欲盡客重過故家一作園亦有如
煙樹鴻雁不來風雨多

贈五老韓尊師

有客齋心事玉晨對山鬚鬢綠無塵住山道士年如鶴
應識當時五老人

經汾陽舊宅

門前不改舊山河破虜曾輕馬伏波今日獨經歌舞地

古槐疎冷影一作夕陽多

寄盧中丞

葉覆清溪濶濶紅路橫秋色馬嘶風獨攜一榼郡齋酒

吟對青山憶謝公

途中

故園回首雁初來馬上千愁付一杯惟有新詩似相識

暮山吟處共徘徊

寄裴瀾

綺雲初墮亭亭月錦席惟橫灔灔波宋玉逢秋正高卧
一篇吟盡奈情何

淮南丞相坐贈歌者虞婉

綺筵無處避梁塵虞婉清歌日一作白新來值渚亭花
欲盡一聲留得滿城春

酬段侍御

蓮花上客思閑閑數首新詩到簾關吟得楚天風雨霽
一條江水兩三山

尋僧二首

臺殿參差日墮塵塢西歸去一庵雲寒泉何處夜深落聲隔半巖疎葉聞

溪戶無人谷一作百鳥飛石橋橫木掛禪衣看雲日暮倚

松立野水亂鳴僧未歸

發栢梯寺

一泓秋水千竿竹靜得勞生半日身猶有向西無限地

別僧騎馬入紅塵

西江一作江上晚泊

茫茫靄靄失西東
柳浦桑村處處同
戍鼓一聲帆影盡
水禽飛起夕陽中

南池

照影池邊多少愁
往來重見此塘秋
芙蓉苑外新經雨
紅葉相隨何處流

江樓舊感一作感懷

獨上江樓思渺然
月光如水水如天
同來望月一作翫人

何處風景依稀似去年

南園

雨過郊園原一作綠尚微落花惆悵滿塵衣芳尊有酒無

人共日暮看山還獨歸

南亭

孤亭影在亂花中悵望無人此醉同聽盡暮鐘猶獨坐

水邊襟袖起春風

贈女仙

水思雲情小鳳仙月涵花態語如絃不因金骨三清客
誰識吳州有洞天

宣州送判官

來時健筆佐嫖姚去折槐花度野橋誰見尊前此惆悵
一聲歌盡路迢迢

宿僧院

月滿長空樹滿霜度雲低拂近簷牀林中夜半一聲磬
卧見高僧入道場

尋僧

斜日橫窗起暗塵
水邊門戶閉
閒春千竿竹裏花枝動
只道無人似有人

經王先生故居

晚波東去海茫茫
誰識蓬山不死鄉
弄玉已歸蕭史去
碧樓紅樹倚斜陽

送從翁中丞奉使黠戛斯六首

揚雄詞賦舉天聞
萬里油幢照塞雲
僕射峰西幾千騎

一時迎著漢將軍

旌旗杳杳雁蕭蕭春盡窮沙雪未消料得堅昆受宣後始知公主已歸朝

雖言窮北海雲中屬國當時事不同九姓如今盡臣妾
歸期那肯待秋風

牢山望斷絕塵氛濛濛河西拂地雲誰見魯儒持漢節
玉關降盡可汗軍

山川險易接胡塵秦漢圖來或未真自此盡知邊塞事

河湟更欲託何人

秦皇無策建長城
劉氏仍窮北路兵
若遇單于舊牙帳
却應傷歎漢公卿

東亭柳

拂水斜煙一萬條
幾隨春色倚一作醉河橋
不知別後誰

攀折猶自風流勝
舞腰

僧舍二首

祇言雙鬢未蹉跎
奈牛羊送日何
禪客不歸車馬去

晚簷山色為誰多

溪上禪關水木間水南山色與僧閒春風盡日無來客
幽磬一聲高鳥還

新月

玉鈎斜傍畫簷生雲匣初開一寸明何事最能悲少婦
夜來依約落邊城

贈皇甫垣

養由弓箭已無功牢落生涯事事同相勸一杯寒食酒

幾多辛苦到春風

四祖寺

千株松下雙峰寺一盞燈前萬里身自為心猿不調伏
祖師元是世間人

聽蟬

噪蟬聲亂日初曠絃管樓中永不聞獨爭一作奈愁人數

莖髮鬢一作故園秋隔五湖雲

寄遠

禁鐘聲盡見棲禽
關塞迢迢故國心
無限春愁莫相問

落花流水洞房深

池上

正憐佳月夜深坐池上暖回燕雁聲猶有漁舟繫江岸
故人歸盡獨何情

春日書懷

暖鶯春日舌難窮
枕上愁生曉聽中
應裏綠窗殘夢斷
杏園零落滿枝風

贈別

水邊秋草暮萋萋欲駐殘陽恨去一作馬蹄曾是管絃同
醉伴一聲歌盡斷一作各東西

靈巖寺

館娃宮畔千年寺水澗雲多客到稀聞說春來更一作倍
惆悵百花深處一僧歸

代人聽琴二首

抱琴花夜不勝春獨奏相思淚滿巾第五指中心最恨

鼙聲嗚咽為何人

湘娥不葬九疑雲楚水連天坐憶君惟有啼鳥舊名在
忍教嗚咽夜長聞

訪沈舍人不遇

溪翁強訪紫微郎曉鼓聲中滿鬢霜知在禁闈人不見
好風飄下九天香

座上獻元相公

初嘏嘗家于浙西有美姬惑之計偕會中元鶴林之遊浙帥窺

其姬遂奄有之明年嘏及第因以一絕箴之云

寂寞堂前日又曛
陽臺去作不歸雲
從來聞說沙叱利
今日青娥屬使君

遣興二首

溪花入夏漸稀疎
雨氣如秋麥熟初
終日苦吟人不會
海邊兄弟久無書

讀徹殘書弄水回
暮天何處笛聲哀
花前獨立無人會
依舊去年雙燕來

送李給事

一作蕭俛
相公歸山

眼前軒冕是鴻毛天上人間漫自勞脫却朝衣獨歸一
便
東去青雲不及白雲高

宿僧舍

高僧夜滴芙蓉漏遠客窗含楊柳風何處相逢話心地
月明身在磬聲中

吳門夢故山

心熟家山夢不迷孤峰寒遠一條溪秋窗覺後情無限

月墮館娃宮樹西

別李譜

尊前路映暮塵紅
池上琴橫醉席風
今日別君如別鶯
聲容長在楚絃中

和杜侍郎題禪智寺南樓

樓畔花枝拂檻紅
露天香動滿簾風
誰知野寺遺鉢處
盡在相如春思中

發青山

鳬鷺聲暖野塘春
鞍馬嘶風一作風高驛路塵一宿青山又

前一作去古來難得是閒人

入藍關

微煙已辨秦中樹遠夢更依江上臺看落晚花還悵望
鯉魚時節入關來

落第寄沈詢

穿楊力盡獨無功華髮相期一夜中別到江頭舊吟處
為將雙淚問春風

送韋中丞

二年恩意是春輝清淨胸襟似者希泣盡楚人多少淚

滿船唯載酒西歸

詠端正春樹

一樹繁陰先著名異花奇葉儼天成馬嵬此去無多地
祇合楊妃墓上生

叙事獻同州侍御三首

青雲席中羅襪塵白首江上吟詩人登龍不及三千士

虛度膺門二十春

平生望斷雲層層紫府杳是他人登却應歸訪溪邊寺
說向當時同社僧

尊前誰伴謝公遊蓮岳晴來翠滿樓坐見一方金變化
獨吟紅藥對殘秋

婺州宴上留別

一作婺州宴
留上蕭員外

雙溪樓影向雲橫歌舞轉一作高臺晚更清獨自下樓騎

瘦馬搖鞭重入亂蟬聲

別牛郎中門館

整襟收淚別朱門自料難酬顧念恩招得片魂騎匹馬

西風斜日入秋原

山中寄盧簡求

竹西池上有花開日日幽吟看又回心憶郡中蕭記室
何時暫別醉鄉來

寄梁脩兄弟

桃李春多翠影重竹樓當月夜無風荀家兄弟來還去
獨倚欄干花露中

同州南亭陪劉侍郎送劉先輩

處處雲隨晚望開洞庭秋水一作管絃來謝公待醉消

入

管絃來謝公待醉消

離恨莫惜臨川酒一杯

贈館驛劉巡官

雲別青山馬踏塵負才難覓作閒人莫言館驛無公事
詩酒能消一半春

贈解頭賈嵩

賈生名跡忽無倫十月長安看盡春顧我先鳴還自笑

空沾一第是何人

題僧壁

曉望傍一作疎林露滿巾碧山秋寺屬閒人溪頭盡日看

紅葉却笑高僧衣有塵

沙溪館

一作仙
驛

翠濕衣襟山滿樓竹間溪水遶牀流行人莫亦一作羨郵

亭吏生向此中今白頭前二句一作谿上郵亭氣早秋樹邊溪色繞牀流

李侍御歸炭谷山居同宿華嚴寺

家在青山近玉京。白雲紅樹葉。一作滿歸程相逢一宿最

一葉

高寺半夜翠微泉落聲。

遇噴玉泉

平生半為山淹留。馬上欲去還回頭。兩京塵路一雙鬢。不見玉泉千萬秋。

漢陰庭樹

掘溝引水澆蔬圃。揀竹為籬護藥苗。楊柳如絲風易亂。梅花似雪日難消。

送王龜拾遺謝官後歸淮水山居

冰邊殘雪照亭臺，臺上風襟向雪開。還似當時姓丁鶴，
羽毛成後一歸來。

宿長水主人

白雲溪北叢巖東，樹石夜與潺湲通。行人一宿翠微月，
二十五絃聲滿風。

寒食離白沙

莫驚客路已經年，尚有青春一半妍。試上方垣望春野，

萬條楊柳拂青天

將發循州社日于所居館宴送

浪花如雪疊江風社過高秋萬恨中明日便隨江燕去
依依俱是故巢空

句

浮雲悲晚翠落日泣秋風

見萬花谷

語風雙燕立裏樹百

勞飛松島鶴歸書信絕橘洲風起夢魂香徒知六

國隨斤斧莫有羣儒定是非

題秦皇句宣宗覽之不悅以上見優古堂詩話

一千里色中秋月十萬軍聲半夜潮塘

錢 梁王舊館已

秋色珠履少年輕繡衣

以上見
主客圖

御定全唐詩卷五百五十

謹案卷五百五十第十四頁前八行獨上江樓思

渺然按別本渺作悄





總校官庶吉士臣張能照

校對官庶吉士

臣

許兆椿

謄錄監生臣馬植基

欽定四庫全書會要

集部

御定全唐詩卷五百五十一至四

詳校官原任事臣李斯咏

欽定四庫全書
欽定全唐詩卷五百五十六

集部

御定全唐詩卷五百五十一

盧肇

盧肇字子發袁州人會昌三年登第初為鄂岳盧商從
勳後除著作郎遷倉部員外郎充集賢院直學士咸通
中出知歙州移宣池吉三州卒賦集八卷詩文集十三

卷今編詩一卷

漢隄詩并序

上元年秋漢水大溢襄襄隄以入既沈漢鄂遂滅
峴趾棟棟且流壓溺無算襄之城僅以門免三日
水去陷為大塗餘民棲於楚山號不敢下餒躡相
挽其能全者什六七上大憂曰襄惟東南實脰荆
海若氣不息吾躬曷瘳今天下災于有漢庭垣盡
堵皆骼在淖有嬰墜井母實號之今襄人盡墜吾
號尚及哉咨乃卿士疇能振之以易吾亂咸以地
官范陽公舊理南粵島夷率化甘於民心俾踐於

襄必克底又上俞以往公既至省漢之溺由舊防
之不固幾五十載又詢之漢水之不犯襄邪惟是
甚災既魚士庶災或能嗣孰以遏之募民新漢之
隄食敵其功資三其食因故隄之址廣倍之高再
倍之距襄之郊繚半百里明年春隄成公具以疏
上大歡復襄之疲民一祀賑穀十萬斛民既保寧
謳歌怡愉既而舒蘇不知曩之災也昔狄敗衛侯
於榮澤齊桓公帥諸侯城緣陵以居之而衛國忘

亡君子是以稱桓公之德今公之為是隄也襄有
衛人之思焉而况宣天子之慈以生厥民曷齊桓
之尚哉噫五材之生沴也必極於物物之既極天
必資明哲以蘇之理之常也古之人有力保一邑
勇禦一寇謂之有功尚以金石載之况捍大災救
大患其美若是豈得無稱焉是宜以聲詩播之登
於樂府惟漢亦有瓠子之歌是可類之謹按正考
甫作商詩公子奚斯命太史克請於周作魯詩皆

其國之公族也肇於公為族孫幸力於文所不宜
默惟峴之碑曰羊公惟隄之詩曰盧公是古今之
相光昭也其誰曰不然詩曰

陰沴姦陽來暴於襄洎入大郛波端若鉛觸厚摧高不
知其防駭潰顛委萬室皆毀竈登蛟鼉堂集鱣鮪惟恩
若讎母不能子洪潰既涸閑閼其虛以隳我堵以剝我
廬酸傷顧望若踐丘墟帝曰念嗟朕日南顧流災降慝
天曷台怒滔滔襄郊猝我嬰孺於惟餘毗飢傷喘呼斯

為淫癘孰往膏傅惟汝元寮僉舉明哲我公用諧苴茅
杖節來視襄人喚咻提挈不日不月咍乎抃悅乃泳故
隄陷於沙泥缺落坳圯由東訖西公曰嗚呼漢之有隄
實命襄人不力乃力則及乃身具鍤與畚漢隄其新帝
廩有粟帝府有緝爾成爾隄必錫爾勤襄人怡怡聽命
襄游背囊肩杵奔走蹈舞分之卒伍令以麾鼓尋尺既
度日月可數登登葉葉周旋上下披峴斲楚飛石輓土
舉築殷雷駭汗霏雨疲癃鰥獨奮有筋膂呀吁來助提

筐負筥不勞其勞雜沓笑語咸曰盧公來賜我生斯隄
既成蜿蜿而平確爾山固屹如雲橫漢流雖狂堅不可
蝕代千年億與天無極惟公之隄昔在人心既築既成
橫之於南萌渚不峻此門不深今復在茲於漢之陰斯
隄已崇茲民獲祐覩童相慶室以完富貽於襄人願保
厥壽繄公之功赫焉如晝捍此巨災辟若京阜天子賜
之百姓載之族孫作詩昭示厥後

題甘露寺

北固巖端寺佳名自上台地從京口斷山到海門迴曙
色煙中減潮聲日下來一隅通雉堞千仞聳樓臺林暗
疑降虎江空想度杯福庭增氣象仙磬落昭回覺路花
非染流年景謾催隋宮凋綠草晉室散黃埃西蜀波湍
盡東溟日月開如登最高處應得見蓬萊

江陵府初試澄心如水

丹心何所喻唯一作為水並清虛莫測千尋底難知一勺
初內明非有物上善本無魚澹泊隨高下波瀾逐卷舒

養蒙方浩浩出險一作海 每徐徐若灌情田裏常流盡不

如

風不鳴條

習習和風至過條不自鳴暗通青律起一作暖 遠傍白蘋

生拂樹花仍落經林鳥自詎 一作驚幾牽蘿蔓動潛惹柳

絲輕入谷一作幽澗 迷松響一作韻 開一作間 窗失竹聲薰弦方

在御萬國仰皇情

別宜春赴舉

秋天草木正蕭疎西望秦闕別舊居筵上芳樽今日酒
篋中黃卷古人書辭鄉且伴一作離山且作銜蘆雁入海終為戴角魚長短九霄飛直上不教毛羽落空虛

射策後作

射策明時愧不才敢期青律變寒灰晴憐斷雁侵雲去暖見醯雞傍酒來箭發尚憂楊葉遠愁生只恐杏花開曲江春淺人游少盡日看山醉獨回

和主司王起

一作奉和主司王僕射答周侍郎賀放榜作

嵩高降德為時生洪筆三題造化名鳳詔佇歸專北極
驪珠搜得盡東瀛褒衣已換金章貴禁掖曾隨玉樹榮
明日定知同相印青衿新列柳間營

及第一本有送潘圖歸宜春

後字

三載皇都恨食貧北溟今日化窮鱗青雲乍喜逢知己
白社猶悲送故人對酒共驚千里別看花自感一枝春
君歸為說龍門寺一作事雷雨初生電遶身

將歸宜春留題新安館

東里如今號鄭鄉。西家昔日近丘墻。芸臺四部添新學。
秘殿三年學老郎。天外鴛鴦愁不見。山中雲鶴喜相忘。
猶張皂蓋歸蓬草。直謂時無許子將。

競渡詩

一作及第後江寧觀競渡寄袁州刺史成應元

石溪久住思端午。館驛樓前看發機。鼙鼓動時雷隱隱。
獸頭凌處雪微微。衝波突出人齊噉。躍浪爭先鳥退飛。
向道是龍剛不信。果然奪得錦標歸。

除歙州途中寄座主王侍郎

一本題上有咸通初恩四字

忽忝專城奉六條自憐出谷屢遷喬驅車雖道還家近
捧日惟愁去國遙朱戶昨經新棨戟風帆常覺戀簾瓢
江天夜夜知消息長見台星在碧霄

御溝水

萬壑朝溟海縈迴歲月多無如此溝水咫尺奉天波

楊柳枝

青鳥泉邊草木春黃雲塞上是征人歸來若得長條贈
不憚風霜與苦辛

新植紅茶花偶出被人移去以詩索之

嚴一作最恨柴門一樹花便隨香遠逐香車花如解語還

應道欺我郎君不在家

戲題

肇初計偕至襄陽奇
章公方有真珠之惑

神女初離碧玉堦彤雲猶擁牡丹鞋
知道相公憐玉腕
強將纖手整金釵

成名後作

桂在蟾宮不可攀功成業熟也何難今朝折得東歸去

共與鄉間年少看

登祝融寺蘭若

一作登南岳
月宮蘭若

祝融絕頂萬餘層策杖攀蘿步步登行到月宮霞外寺

白雲相伴兩三僧

被謫連州

黃絹外孫翻得罪華顛故老莫相嗤連州萬里無親戚
舊識唯應有荔支

謫後再書一絕

崆峒道士悞燒丹赤鼠黃牙幾許難墜墮闕浮南斗下
不知何事犯星官

題清遠峽觀音院二首

清潭洞澈深千丈危岫攀蘿上幾層秋盡更無黃葉樹
夜闌唯對白頭僧

風入古松添急雨月臨虛檻背殘燈老猿嘯狹還欺客
來撼窗前百尺藤

喜楊舍人入翰林

御筆親批翰長銜夜開金殿送瑤緘平明玉案臨宣室

已見龍光出傅巖

謫連州書春牛榜子

陽和未解逐民憂雪滿羣山對白頭不得職田飢欲死
兒儂何事打春牛

送弟

去日家無擔石儲汝須勤苦事樵漁古人盡向塵中遠

白日耕田夜讀書

牧童

誰人得似牧童心牛上橫眠秋聽深時復往來吹一曲
何愁南北不知音

嘲小兒

貪生只愛眼前珍不覺風光度歲頻昨日見來騎竹馬
今朝早是有年人

金錢花

輪郭休誇四字書紅窠寫出對庭除時時買得佳人笑

本色金錢却不如

木筆花

嬾如新竹管初齊，粉膩紅輕樣可攜。
誰與詩人偎檻看，好於牋墨併分題。

句

君夢涔陽月中秋，憶棹歌

見岳州府志

妙吹應諧鳳，工書

定得鵝

李羣玉善急就章喜食鵝
肇贈句云云見紀事

亭邊古木晝陰陰

亭下寒潭百丈深，黃菊舊連陶。
令宅青山遙負向平心。

題綠陰亭見

臨江府志

御定全唐詩卷五百五十一

欽定四庫全書
欽定全唐詩卷五百五十二

集部

御定全唐詩卷五百五十二

丁稜

丁稜字子威會昌三年進士是歲王起再知貢舉盧肇
丁稜姚鵠以李德裕薦依次放榜詩二首

塞下曲

北風鳴晚角雨雪塞雲低烽舉戰軍動天寒征馬嘶出
營紅旆展過碛暗沙迷諸將年皆老何時罷鼓鼙

和主司王起

一作和主司王僕射答
華州周侍郎賀放榜作

公心獨立副天心三轄春闈冠古今蘭署門生皆入室
蓮峰太守別知音同升一作飛翰苑時名重遍歷朝端主

意深新有受恩江海客坐聽朝夕繼為霖

高退之

高退之字遵聖會昌三年進士第詩一首

和主司王起

一作和主司王僕射
酬周侍郎賀放榜

昔年桃李已滋榮今日蘭蓀又發生葑菲采時皆有道

權衡分處且無情叨陪鴛鷺朝天客共作門闈出谷鳩

何事感恩偏覺重忽聞金榜扣柴荆

自注退之自顧微劣不敢有叨竊之

望策試之後遂歸鹽厓山居不期一旦選士及第遣人齎榜扣闕相報方知忝矣

孟球

孟球字廷玉會昌三年進士第咸通中檢校工部尚書

徐州刺史詩一首

和主司王起

酬周侍郎
一作和主司

當年門下化龍成今日餘波進後生仙籍共知推麗藻

一作
則 禁垣同得薦嘉名桃蹊早茂誇新萼菊圃初開耀

晚英誰料羽毛方出谷許教齊和九臯鳴

劉耕

劉耕會昌三年進士第詩一首

和主司王起

一作和主司
酬周侍郎

孔門頰建鑄顏功紫綬青衿感激同一簣勤勞成太華
三年恩德仰一作等維嵩楊隨前輩穿皆中桂許平人折

欲空慚和周郎應見顧感知大造竟無窮

襄翻

襄翻字雲章會昌三年進士第詩一首

和主司王起

一作和主司
酬周侍郎

常將公道選羣生猶被春闈屈重名文柄久持殊歲紀
恩門三啟動寰瀛雲霄幸接駕鸞盛變化欣同草木榮
乍得陽和如細柳參差長近亞夫營

樊驥

樊驥字元龍會昌三年進士第詩一首

和主司王起

一作和主司
酬周侍郎

滿朝簪髮半門生又見新書甲乙名孤進自今開道路
至公依舊振寰瀛雲飛太華清詞著花發長安白屋榮
忝受恩光同上客惟將報德是經營

崔軒

崔軒字鳴山

一作風

會昌三年進士第詩一首

和主司王起

一作和主司
酬周侍郎

滿朝朱紫半門生新榜勞人又得名國器舊知收片玉

朝宗轉覺集登瀛同升翰苑三年羨繼入花源九族榮
共仰蓮峰聽雪唱欲賡仙曲意怔營

荊希逸

荊希逸字大隱會昌三年登第杜牧有池州送希逸詩
詩一首

和主司王起

一作和主司
酬周侍郎

一振聲華入紫薇三開秦鏡照春闕龍門舊列金章貴
驚谷新遷碧落飛恩感風雷宜一作皆變化詩裁錦繡借

惜一作光輝誰知散質多榮忝駕鷺清塵接布衣

句

蟾蜍醉裏破蛻蝶夢中殘

牛相在揚州常稱之

山險不曾離馬

後酒醒長見在牀前

希逸有僕武幹相隨十餘歲希逸擢第乞歸養親留之不得以詩送

之士人皆有繼和並見紀事

林滋

林滋字後象閩人會昌三年進士第與同年詹雄鄭誠齊名時稱雄詩誠文滋賦為閩中三絕官終金部郎中

詩六首

望九華山

茲山突出何怪奇上有萬狀無凡姿大者嶙峋若奔兕
小者嵒嵬如嬰兒玉柱金莖相拄枝干空踰碧勢參差
虛中始訝巨靈擘阱處乍驚鬼叟移蘿煙石月相蔽虧
天風裏裏猿猱吟伊伊龍潭萬古噴飛溜虎穴幾人能得窺
吁予比年愛靈境到此始覺魂神馳如何獨得百丈索
直上高峰拋俗羈

春望

春海鏡一作接

長天青郊麗上年林光虛霽曉山翠薄晴

煙氣暖禽聲變風恬草色鮮散襟披石磴韶景自深憐

蠶澤旅懷

誰言行旅日况復桃花時水即滄溟

一作浪

遠星從天漢

垂川光獨鳥暮林色落英遲豈是王程急偏多游子悲

宴韋侍御新亭

煙磴披青靄風筵藉紫苔花香凌桂醑竹影落藤梧鳴

籟將歌遠飛枝拂舞開未愁留興晚明月度雲來

人曰一下有題
日二字

春輝新入碧煙開芳院初將穆景來共向花前圖瑞勝
試看池上動輕苔林香半落沾羅幌蕙色微含近酒杯
聞道宸游方命賞應隨恩賚喜昭回

和主司王起

一作和主司
酬周侍郎

龍門一變荷生成况是三傳不朽名美譽早聞喧北闕
頽波今見走東瀛駕行既接參差影雞樹仍同次第禁

從此青衿與朱紫升堂侍宴更何營

李宣古

李宣古字垂後會昌三年進士第詩四首

聽蜀道士琴歌

第五句
缺一字

至道不可見正聲難得聞忽逢羽客抱綠綺西別峨嵋
峰頂雲初排面躡輕響似擲細珠鳴玉上忽揮素爪
畫七絃蒼崖劈裂迸碎泉憤聲高怨聲咽屈原叫天兩
妃絕朝雉飛雙鶴離屬玉夜啼獨鶯悲吹我神飛碧霄

裏牽我心靈入秋水有如驅逐太古來邪淫辟蕩貞心
開孝為子忠為臣不獨語言能教人前美嘯後美嚙一
舒一慘非冬春從朝至莫聽不足相將直說瀛洲宿更
深彈罷背孤燈窗雪蕭蕭打寒竹人間豈合值仙蹤此
別多應不再逢抱琴却上瀛洲去一片白雲千萬峰

和主司王起

酬周侍郎
一作和主司

恩光忽逐曉春生金榜前頭忝姓名三感至公裨造化
重揚文德振寰瀛佇為霖雨曾相賀半在雲霄覺更榮

何處新詩添照灼碧蓮峰下柳間營

杜司空席上賦

紀事云杜司空悰自忠武軍節度使出鎮澧陽宣古數陪游宴

乘醉慢侮悰欲辱之長林公主曰豈有飲而舉人細過耶謂宣古請為詩冀彌縫也宣古得韻

立成

紅燈初上月輪高照見堂前萬朵桃花爍粟調清銀象

一作

字管琵琶聲亮紫檀槽能歌婉女顏如玉解引蕭郎眼

似刀爭奈夜深拋要令舞來接

一作接

去使人勞

賦寒食日亥時

一作食夜

人定朱門尚未

一作半

開初星粲粲照人回此時寒食無

煙火

一作燈燭

花柳蒼蒼月欲來

白

翠蓋不西來池上天池歇

冉冉池上煙盈盈池上柳

生貴非道傍不斷行人手

張為主客圖

黃頤

黃頤宜春人以洪奧文章蹉跎者一十三載至會昌三

年登第官監察御史詩三首

風不鳴條

一作元輿
舒

五緯

一作習習

起祥飈無聲瑞聖朝稍開含露葉

一作萼

繞轉

惹烟條密葉應潛變

一作長

低枝幾暗搖林間鶯欲轉花

下蝶微飄初滿汎堤草因生逐水苗太平無一事天外

奏虞

一作韶

雲

和主司王起

一作和主司
酬周侍郎

二十二年文教主三十上士滿皇州獨陪宣父蓬瀛奏
方接顏生魯衛遊多羨龍門齊變化屢看雞樹第名流

升堂何處最榮羨朱紫環鑽幾處酬

聞宜春諸舉子陪郡主登河梁翫月

一年秋半月當空遙羨飛觴接庾公虹影迴分銀漢上
兔輝全寫玉筵中笙歌送盡迎寒漏冰雪吟消永夜風
雖向東堂先折桂不如賓席此時同

張道符

張道符字夢錫會昌三年進士第詩一首

和主司王起

一作和主司
酬周侍郎

三閑文鏡繼芳聲暗雲霄接去程會壓厭一作洪波先

得路早陞清禁共垂名蓮峰對處朱輪貴金榜傳時玉韻成更許下不一作才聽白雪一枝今過郊詵榮

丘上卿

丘上卿字陪之會昌三年進士第詩一首

和主司王起

酬周侍郎
一作和主司

常將公道選諸生不是鴛鴦不得名天上宴回聯步武禁中麻出滿寰瀛簪裾盡過前賢貴門館仍叨舊學榮

看著鳳池相繼入都堂那肯滯關營

石貫

石貫字總之會昌三年進士第詩一首

和主司王起

一作和主司
酬周侍郎

重德由來為國生五朝清顯冠公卿風波久佇濟川楫
羽翼三遷出谷鶩絳帳青衿同日貴春蘭秋菊異時榮
孔門弟子皆賢哲誰料窮儒忝一名

李潛

李潛字德隱宜春人會昌三年進士第詩一首

和主司王起

一作和主司
酬周侍郎

文學宗師心秤平無私三用佐貞明恩波舊是仙舟客
德宇新添月桂名蘭署崇資金色重蓮峰高唱玉音清
羽毛方荷生成力難繼鸞皇上漢聲

孟守

孟守一作寧

字處中長慶三年王起主文嘗放及第為時
相所退至會昌三年起再知貢舉守龍鍾就試成名詩

一首

和主司王起

一作和主司
酬周侍郎

科文又主守初時光顯門生濟會期美擅東堂登甲乙
榮同內署侍恩私羣鶯共喜新遷木雙鳳皆當即入池
別有倍深知感士曾經兩度得芳枝

唐思言

唐思言字子文會昌三年進士第詩一首

和主司王起

一作和主司
酬周侍郎

儒雅皆傳德教行幾崇浮俗贊文明龍門昔上波濤遠
禁署同登渥澤榮虛散謬當陪杞梓後先寧異感生成
時方側席徵賢急况說謌謠近帝京

戈牢

戈英華作左

戈牢字德膠會昌三年進士第詩二首

風不鳴條

一作章孝標詩

旭日懸清景微風在綠條入松聲不發度

一作過

柳影空

搖長養應潛變

一遍一作

扶疎每暗飄有林時嫋嫋無樹漸

暫一作

蕭蕭慢一作誤

逐青煙散輕和瑞氣樹色饒豐年知

有待歌詠美唐堯

和主司王起

一作和主
司酬周侍郎

聖乾文德最稱賢自古儒生少比肩再啟龍門將二紀
兩司鶩谷已三年蓬山皆美成榮貴金榜誰知忝後先
正是感恩流涕日但思旌旆碧峰前

金厚載

金厚載字化光會昌三年進士第詩二首

風不鳴條

寂寂曙風生，遲遲散野輕。
露華搖有滴，林葉裏無聲。
暗翦蘋芳發，空傳谷鳥鳴。
悠揚韶景靜，澹蕩霽煙橫。
遠水波瀾息，荒郊草樹木。
一作榮吾君，垂至化。
萬類共澄清。

和主司王起

一作和主司
酬周侍郎

長慶曾收間世英，果居臺閣冠公卿。
天書再受恩波遠，金榜三開日月明。
已見差肩趨翰苑，更期連步掌台衡。
小儒謬躡雲霄路，心仰蓮峰望太清。

王甚夷

王甚夷字無黨會昌三年進士第詩二首

風不鳴條

聖日祥風起韶暉助發生蒙蒙遙野色裊裊細條輕荏
弱看漸動怡和吹不鳴枝含餘露濕林霏晚煙平縹緲
春光媚悠揚景氣晴康哉帝堯代寰宇共澄清

和主司王起

一作和主司
酬周侍郎

春闌帝念主生成長慶公間兩歲名有蘊赤心分雨露

無私和氣決寰瀛龍門乍出難勝幸駕侶先行是最榮
遙仰高峰看白雪多慚屬和意屏營

御定全唐詩卷五百五十二

欽定四庫全書
欽定四庫全書
欽定全唐詩卷五百五十三

集部

御定全唐詩卷五百五十三

姚鵠

姚鵠字居雲蜀人登會昌三年進士第詩一卷

送李潛歸綿州覲省

朱樓對翠微紅旆出重扉此地千人望寥天一鶴歸雪
封山崦白鳥拂棧梁飛誰比趨庭戀驪珠耀綵衣

塞外寄張侍御

千里入黃雲羈愁日日新疎鐘關路曉遠雨塞山春南
眺有歸鴈北來無故人却思陪宴處迴望與天隣

曉發

一作趙嘏詩

旅行宜早發况復是南歸月影緣山盡鐘聲隔浦一作水

微殘星螢共失落葉鳥和飛去去渡南浦村中人出稀
題終南山隱者居

開門絕壑旁躡蘚過花梁路入峰巒影風來芝术一作草

香夜吟明雪牖春夢閉雲房盡室更何有一琴兼一觴

嘉川驛樓晚望

樓壓寒江上，開簾對翠微。
斜陽諸嶺暮，古渡一僧歸。
迥雲衝起汀一作天，遙鳥背飛誰。
言坐多倦日，極自忘機。

送人歸吳

東吳與上國，萬里路迢迢。
為別晨昏久，全輕水陸遙。
湘陰島上寺，楚色月中潮。
到此一長望一作歎，知君積恨銷。

送石貫一作賈歸湖州

同志幸同年，高堂君獨還。
齊榮恩未報，共隱事應閑。
訪

寺臨湖岸開樓見海山洛中推二陸莫久戀鄉關

送劉耕歸舒州

四座莫紛紛湏臾歧路分自從同得意誰不惜離羣舊國連青海歸程在白雲弃繩當日路應競看終軍

寄贈許璋少府

若說君高道何人更得如公庭唯樹石生計是琴書詩句峭無敵文才清有餘不知尺水內爭滯北溟魚

寄雍陶先輩

知音杳何處書札寄無由獨宿月中寺相思天畔一作半

樓露凝衰草白螢度遠煙秋悵望難歸枕吟勞生夜愁

寄友人

西風又開菊久客意如何舊國天涯遠清砧月夜多明時難際會急景易蹉跎抱玉終須獻誰言戀薜蘿

感懷陳情

恩重空感激何門誓殺身謬曾分玉石竟自困風塵陰谷非因暖幽叢豈望春升沈在言下應念異他人

送程秀才下第歸蜀

鶯遷與鵠退十載泣岐分蜀道重來老巴猿此去閒曉
程侵嶺雪遠棧入谿雲莫滯趨庭戀榮親祇待君

旱魚詞上苗相公

似龍鱗已足唯是欠登門日裏腮猶濕泥中目未昏乞
鋤防蠭穴望水瀉金盆他日能為雨公田報此恩

野寺寓居即事二首

南山色當戶初日半簷時鶴去卧看遠僧來嫌起遲窗

明雲影斷庭晚樹陰移何處題新句連谿密葉垂
古寺更何有當庭唯折幢伴僧青蘚榻對雨白雲窗暝
色生前嶺離魂隔遠江沙洲半藜草飛鷺白雙雙

襄州獻盧尚書

立事成功盡遠圖一方獨與萬方殊藩臣皆一作昔競師
兵畧相國今多揖廟謨禮樂政行凋弊俗歌謡聲徹帝
王都即隨鳳詔歸何處祇是操持造化鑪

將歸蜀留獻恩地僕射二首

自持衡鏡採幽沈此事常聞曠古今危葉只將終委地
焦桐誰料却為琴蒿萊詎報生成德犬馬空懷感戀心
明日還家盈眼血定應迴首即霜襟

江上長思狎釣翁此心難與昨心同自承丘壑一作新

恩重已分煙霞舊隱空龍變偶因資巨浪鳥飛誰肯借
高風應憐死節無門効永歎潛懷似轉蓬一作永炭潛
憐逐轉蓬

隨州獻李侍御二首

彩筆曾專造化權道尊翻向宦途閒端居有地唯裁藥

靜坐無時不憶山德望舊懸霄漢外政聲新溢路歧間
衆知聖主搜賢相朝夕欲徵黃霸還

再別未甘何處說但垂雙淚出咸秦風塵疋馬來千里
蓬梗全家望一身舊隱每懷空竟夕愁眉不展幾經春
今朝儻降非常顧倒屐寧惟有古人

虢州獻楊抑一作大卿二首

蓋世英華更有誰賦成傳寫遍坤維名科累中求賢日
苦節高標守郡時樓上叫雲秋鼓角林間宿鶴夜旌旗

徵歸詔下應非久德望人情在鳳池

碧山曾共惜分陰暗學相如賦上林
到此敢逾千里恨歸家且遂十年心
疎愚祇怯膺門險淺薄爭窺孔室深
一顧儻憐持苦節更令何處問升沈

贈邊將

三邊近日往來通盡是將軍鎮撫功
兵統萬人為上將威加千里懾西戎
清笳遠塞吹寒月紅旆當山肅曉風
却恨北荒霑雨露無因掃盡虜庭空

送費練師供奉赴上都

縮地周遊不計程古今應只有先生已同化鶴臨華表
又見駿龍向玉清蘿磴靜攀雲共過雪壇當醮月孤明
無因相逐朝天帝一作去空羨煙霞得送迎

和徐先輩秋日遊涇州南亭呈二三同年

多此歡情泛鷁舟桂枝同折塞同遊聲喧島上巢松鶴
影落杯中過水鷗送日暮鐘交戍嶺叫雲寒角動城樓
酒酣笑語秋風裏誰道槐花更起愁

送一本有同
年二字 黃頤歸袁

莫倦連期在醉鄉
孔門多戀惜 分行文章聲價從來重
霄漢途程此去長
何處聽猿臨萬壑

一宵 作一月 一宿

因滯三湘
鑪峰若上應相憶不得同過惠遠房

和陝州叅軍李通微首夏書懷呈同寮張裳段

羣二先輩

公門何事更相牽
邵伯優賢任養閒
滿院落花從覆地
半簷初日未開闕
尋仙鄭谷煙霞裏
避暑柯亭樹石間

獨為高懷誰和繼掾曹同處桂同攀

玉真觀尋趙尊師不遇

羽客朝元晝掩扉林中一徑雪中微
松陰遶院鶴相對山色滿樓人未歸
盡日獨思風馭返寥天幾望野雲飛
凭高目斷無消息自醉自吟愁落暉

及第後上主司王起

三年竭力向春闈塞斷浮華衆路歧

盛選棟梁非一作稱

昔日平均雨露及明時登龍舊美無邪徑折桂新榮盡

直枝莫道只陪金馬貴相期更在鳳皇池

送賀知章入道

一本題上有擬字

若非堯運及垂衣肯許巢由脫俗機太液始同黃鶴下
仙鄉已駕白雲歸還披舊褐辭金殿却捧玄珠向翠微
羈束慙無仙藥分隨車一作君空有夢魂飛

送友人出塞

帝城春色著寒梅去恨離懷醉不開作別欲將何計免
此行應又隔年回入河殘日鶻西盡卷雪驚蓬馬上來

有思莫忘清塞學衆傳君負佐王才

送僧歸新羅

水淼淼萬餘里扁舟發落暉滄溟何歲別白首此時歸寒暑途中變人煙嶺外稀驚天巨鰲鬪一作
起蔽日大鵬飛

雪入行砂屢雲生坐石衣漢風深習得休恨本心違

奉和秘監從翁夏日陝州河亭晚望

洪河何處望一境在孤煙極野如藍日長波一作
陂似鏡

年卷簾花影裏倚檻鶴巢邊霞焰侵旌旆灘聲雜管弦

鍾微來疊岫帆遠落遙天過客多

一作頤

相指

一作訪

應疑

會水仙

風不鳴條

吾君理化清上瑞報時平曉吹何曾歇柔條自不鳴花

香知暗度柳動覺潛生只見低垂影

一作勢

那聞擊觸聲

大王初溥暢少女正輕盈幸遇無私力幽芳願發榮

書情獻知己

日日恨何窮巴雲舊隱

一作望

空一為棲寓客二見北歸

鴻有道期攀桂無門息轉蓬
貨居將罄比乞食與僧同
花月登臨處江山悵望中衆皆輕病驥誰肯救焦桐坐
惜春還至愁吟夜每終谷寒思變律葉晚怯迴風謁蔡
慙王粲憐衡冀孔融深恩知一作如尚在何處問窮通

和工部楊尚書重送絕句

桂枝攀得獻庭闈何似空懷楚橘歸好控扶搖早迴首
人人思看大鵬飛

御定全唐詩卷五百五十三